

四庫全書

集部

欽定四庫全書

御製詩三集卷二十六

古今體一百十八首

壬午十

木蘭迴蹕駐避暑山莊作

圍期今歲促廿五日云旋行慶兼施惠秋清正月圓天
香屋有桂霜勒浦餘蓮晚熟蒸為雨聽之言發泉

題不遮山樓

樓在萬山裏偏云山不遮名言何有定愜意與之遐為

是初成趣歸來便領嘉喜新吾尚爾復古志徒賒

清舒山館

新秋促轡以圍期山館歸來仲序宜了識清舒最佳處
可當頓置弗留詞不寒不暖娛人候有月有風速客時
四壁圖書驗今昔綠窻曦影又西移

題鑑始齋

松風萬壑涼曰有讀書堂絕勝閒花草依然昔縹緲慎
終念惟厥無水監於當思義顧名處初心寧敢忘

敞晴齋

尋鹿到山深松齋倚碧岑敞晴真及節宿雨弗留陰紫翠難為狀笙竽總入吟不言圖意會其奈景開襟

清綺書屋

老松籠屋約橫溪雨過山蹊印鹿蹄此處徵詩合虞夏三唐清綺類醢雞

偶為春華秋實卷各題以句

纈白標紅貴得情番風次第鬪春榮可知實盡從華孕

公幹當年特自鳴

右春華

水珍陸品分甘脆採實誰當筐筥盛信是家丞風度在
名言邈爾憶東平

右秋實

水月精舍

臨水有山崖崖巔小築齋波心常得月座上恰宜懷半
滿都無礙古今鮮並佳六情淘洗盡剝祇靜因皆

綠雲樓

出樹聳高樓綠雲尚爾稠蔚青俯足底繚白見山頭愛
此非為雨憐他幸傲秋何來紅數點不擬再迴眸

戲題荷

夏卉何來秋仲披花中宛有歲寒姿傲寒也為時逢暖
然孰不云君子斯

命製鹿角椅並題以句

獵獲八叉角良工製椅能由來無棄物可以備時乘詎

是仙都遺

去聲從思

家法承

盛京貯有聖祖時鹿角椅

太宗時鹿角椅山莊有今命製此亦肯構之意也

夔

夔戒倚側棣棣慎居興休剗形猶曲豐尖柔足微底須

七寶飾樸素審堪稱

沈周秋風話歸圖即用其韻

抑為小雅抑幽風老筆傳神意鑿空握手河梁似聞語

羨君策蹇竟歸東

創得齋

創得得三載每來輒愜情巖松作屏障澗水奏竽笙幽
籟千般設夕陽一片明竒觀又始遇覺未負斯名

夕佳樓

一谷當西日隨宜築小樓開窻延照朗落嶺潑光流霞
燦紅新染嵐浮綠尚稠坐惟消片刻佳趣自千秋

玉琴軒

前後繞流泉泠泠潺且漩無絃並姑舍不鼓鎮鏗然秋
氣澄見底月光印正圓水仙乘赤鯉深夜此周旋

寧靜齋

窻含水白與山青無色聲天妙淨形雖是每來愛摘藻
靜中得句意常寧

山心精舍

信步入山深窈窕延幽賞攢簇羅諸峯變幻含萬象風
吹林葉多秋肅鹿聲響白泉細愈颯丹楓踈益朗精舍
竺庵旁計地纔盈丈披窻數衆竒歷若指諸掌

中秋夕對月漫成

一日輕陰傍晚晴

上聲

越光明千年上

去聲

塞誰

為賞此夕中秋特地榮得不擘雲全體現雅宜入沼徹
心晶花瓜綵餅隨時令冷露何人縷旅情

含粹齋

三間書舍敞林扉

天藻標題義入微問景詎寧欣若續甄心益覺慎惟幾
靜專動直都包括內聖外王時發揮擬欲閒吟概從省
義經獨此究編章

秀起堂

碧嶺四圍全作障中峯秀起獨成堂
窻間見鹿任眠跂林下無禽不頽顏
著色畫張楓葉紫宜時風送桂花香
得詩便擬肩輿去却笑勞勞有底忙

萬樹園賜宴即席得句

叢樾中間甫野長

甫田叢樾為三十六景之一又名萬樹園

清秋嘉宴拂廬

張北宛西海胥來賀

祖德宗功正未央詎曰銷兵應凱樂
益欽守器慎幾康

訓恭儉亦示慈惠幣帛均頒實篚箱

登四面雲山亭子

策馬蘭蹊不礙涼
虛亭憩坐敞秋光
遠山似揖近山拱
楓葉初丹槲葉黃
西北諸峯倚天近
東南一水入瀛長
年年舊句鄰新句
徒曰忘言那易忘

永恬居

詎是陶家逕依然
松菊存流陰
閱吹葉至理
悟歸根
鹿麋動皆靜
禽音靖不喧
祇宜諸慮淨
仍繼

一人恩

素尚齋

永恬居後齋百級拾廊階既迴眺因遠當秋攬總佳不
遷谷神景恒識

聖人懷返樸關行政勤思六宇皆

再題創得齋

小憩永恬居言入西崦路林霏繚而深一步奇一步澗
餘九夏冰峰有千年樹山齋遠不見石門近忽遇創得

真創得勝槩紛來輸萬景供

平聲

知新五言當

去聲

溫故

枕碧樓

老松橫谷石溪斜縱入深山却是家巖閣有窻皆納樹
竹爐無火不烹茶餘多濃翠全因暖著幾新紅幻作霞
應接萬竒真莫暇分毫方寸那曾加

水月庵

一嶺迴隔西東竺庵石徑曲通如是花宮林下何珠寶
月水中真機不藉僧梵清華亦有松風空翠庭陰忽落

問誰習寂義公

山行卽景二首

背陽谷寒向陽暖平澗水渟陡澗流打頭落葉添於昨
騁目踈林恰是秋

深紅淺紫纈巖枝繪事嫌他有定姿取適行山亦行飯
雖名尋鹿却尋詩

小憩秀起堂得句

雨過寥天喜快晴肩輿聊作問山行路從西峪得猶創

堂據中峯業已成，泉出澗邊幽脈益。
風來林下颯涼生，起予愛此真佳處。
秀占人間有玉京。

振藻樓

淺紫深紅緝萬枝，書樓即事引清思。
春華秋實胥權置，請看東平振藻時。

春好軒題句

四圍錦簇霜枝麗，一院芳含秋卉新。
都道仙莊稱避暑，寧知勝地有恒春。
能言鳥起閒翻影，入夢蝶來香滿身。

萬物熙熙遊化宇至今總是戴

堯仁

八月廿三日

皇考忌辰題寫心精舍

去歲園前駐

去歲此日亦駐此曾有詩

今年園後來永思歎時迅迴

憶輒神摧

祖德貽遊豫

宗功仰擴恢並當奉

神御恒此寫心哀

嘉樹軒

就樹昔年構清秋勝日尋輪囷一株古蔽芾滿庭陰有
月皆澄照無風亦朗吟何當風月下恒此坐觀心

樂成閣

因迴得為高城樓縱目遨錘峯陵碧漢列水捲寒濤如
在銀蟾界堪揮顧兔豪秋成纔半熟不樂首頻搔

聚香齋

衆香國土光明鏡題額

當年緬挾毫書按墨林清晝暇不開帙此讀離騷

山行夕歸

秋山暢好意為行仙樂還饒
呦鹿鳴谷逕千盤屨步遠
靄煙一片晚涼生已看宿鳥
尋林返偏厭銷人秉燭迎
詩讀元和心有會由來白俗
讓元清

經畬書屋疊前韻

塞山如罽孰為畬書屋高無
須蠹書每事惜陰較分寸

常思克已擬耘鋤芸憲旦夕堪容與靈囿煙雲恒跂予
設以農功喻學業祇求多稼不求餘

李唐秋江待渡圖

白荻丹楓秋意深寒江不辨漢還潯布帆無恙橫波過
誰識卽須一片心

放鶴亭

或有貢鶴者綵籠巧莊校曳尾塗中龜笥藏非本好艱
飛羽已翦仰食喉空叫憐其類乘軒榮不存所樂叶深

山叢樾間放去任騰掉一歲養翼成二歲和子效原在山莊中施亦有佳報林家明聖致張氏雲龍調於我何有焉我意其明告旣以遂煙霞亦以省梁稻叶貴適生物性非學幽人操

估閑騶嘆

萬吉

騶

關虎

騶

歸房精繼者估閑良且駛承平豈復有

戰爭獮狩時乘資德美馳御所向無空濶遠則木蘭近

海子抨弦蒼兔七載馱

一日射中七兔

彈蹄銀獐一斃抵

二皆海子

事塞上獲鹿難數計飛越深溝更神矣

木蘭馳射一鹿忽過深溝騶飛

越若履平地

去歲圍罷留養茲今來愈覺加長齒不任鞍勒

意猶壯牽向我前熟仰視久策爾力寧弗憐後進非無老成此細弱軟秣終厥年重以敝惟留待爾

澄觀齋

山莊小駐盤秋仲又將闌此地非常地澄觀果足觀歸根紛葉落結露報霜寒指日重陽到黃花開繞欄

千尺雪得句

源水千峯外秋齋萬樹間賞心惟物表得句乃幾閒尺
寸何須計北南豈浪扳挾沙緣過雨訝是對巘山

再題不遮山樓

肩輿西峪趣幾閒振籜秋風頃刻間今日登樓有佳會
別開生面不遮山

水月庵

水月竺庵如是佳山心精舍適於旁欲因動靜標仁智
不向異同論幻常

山心精舍

洒然精舍築山陟小憩雲窻攬衆竒雙嶺迴環作閭闔
一峯孤柱是鑪錘化工真閱煙霞表道筦非從色象窺
不約而來竭爾去普門水月證無為

暖

閨後寒應早今秋暖異常晚田幸收半薄穫較荒強萬
澗琴猶奏千林錦始裝因緣悞哨鹿尋繹定何妨

翠雲巖

纈綠霏青看已久
新紅渲染訝誰加
背西斜日輝平野
翻壁忽成一片霞

食蔗居

循流探谷源以漸入佳境得居名食蔗虎頭趣自領因
迴易為高憑軒目堪騁紅紫萬嶂紛青松獨崇嶺品奇
託亦殊于于意為去聲永

小許庵口號

十笏為庵靜以便
底從名象較言詮
納來芥子應無數

何啻三千與大千

紅葉二首

青女行霜染塞林一般艷點蕭森世間紅紫安容擬
目與為幽意與深

鳴鞭猶憶綠雲纔生面連林萬錦開借問關雉誇絕藝
那能點筆一時該

對瀑

對瀑歲有吟今秋尚闕寫憑欄眄振鷺落落凌空下潦

盡沙灘露流壯石峽瀉有本與無本於斯可悟也適從
瀑源來足底涓涓者

入山

入山不期深自深問景都逢美中美千林張畫色無定
昨日深紅今日紫頭上星星豈復辭卽看流陰迅如此
與木石居鹿豕遊聞善沛然心亦企

重陽日侍

皇太后宴

皓氣澄秋日日加山莊重九更堪誇登高全攬川原美
獻

壽欣當風物嘉綺嶺低昂綴紅葉芳階錯落綻黃花宮
中行樂真行樂玉塞彤庭總一家

九日敞晴齋

崇椒策馬不知遠敞榭騁眸畢攬遐豈必題餽誇博雅
真看置鹿卜休嘉

出歲時記餽上
置鹿寓食祿意

秋風滿谷寒千樹斜

日平岡暖數家懶佩茱萸隨節令法經詔我久閑邪

迴蹕駐喀喇河屯行宮作

灤上離宮駐御輪
深秋風物賞清真
一彈指頃經兩月
幾疊山曾見古人
杞樹臨江留枿莽
菊花過節尚精神
塞田納稼常歌稔
慙愧今來鮮碩囷

小金山

秋孟忽忽去曾無題句留
重陽冉冉過言復駐旌遊
落山容瘦漲消水態柔
今春浮玉上視此有遷不

雪

九月十四日是
日入古北口

夜報塞天同起雲凌晨玉葉遂翩紛無林不作銀花影
有嶂皆成冰綺紋酒店旗飄近方見僧房鐘響遠猶聞
入關廿里原秋雨南北寒暄一嶺分

秋麥

夏霖猶積潤秋麥易為萌縱慰明年望寧忘今歲情

今歲

夏初二麥實有豐登之望以
閏五月多雨遂致歉收故云

馳驅禁蹂躪高下總滋榮

調幕緊誰責憑輿祇愧生

立冬日微雪

九月廿二日

元冥剛旋轉集霰恰交加落地仍為雨飛空早是花寒
光暗遠岫潤意逼低窪應節適可止歉年貧者嗟

賜雲南巡撫劉藻之任

山左諸生推學業滇南六詔寄提封才華淘洗歸真實
官吏甄稽福士農水旱無逢歌樂土詩書有教振西靡
謾言萬里君門遠不隔心常達九重

題李導道江鄉秋晚卷

丹青見布慮疑贗戲寫江鄉水墨雲却勝霸陵逢醉尉

至今猶說小將軍

鯉魚風起浪連天
蘆葦叢中避釣船
爾許名人嘅離合
豈知一例幻江煙

揚子曾經三度遊
但知春景不知秋
鵲華師子仍同弄

足傲重光詡潤州

卷末笏重光跋稱是圖與松雪鵲華雲林師子諸名跡並重初為京口石

氏物歷數百年復歸吾潤信有神合云云此卷流落多年今入內府恰與石渠舊藏趙孟頫鵲華秋色倪瓚師子林圖同歸珍祕不脛無翼而得其偶既為之喜亦為之愧

降旨添設五城粥廠詩以誌事

連歲洊臻滂灾較昨年甚截漕五十萬潦區供炊飪五
城有常例冬令賑粥潘念茲饑饉多如傷實切朕宣命
倍數施遠村計口廩

例設舊廩並傳各城遠道艱於赴食因令四鄉各倍其數以便支給

憲臣時體察侍史其勲慙寧辭濟輿譏庶救轉寧凜調
幕乏良方忸怩吾心審

齋居養心殿夕景

秋巡旋翠蹕冬祭入彤宮夜靜市聲達更長燭影融幾
閒籌政要滂後厪民窮戒井銅壺漏年光幾點中

孟冬時享

太廟

午門嚴左鼓

廟享致欽崇思孝奉

先切維親執事同

獻帛酒皆宗親執事

萬年福綿奕三獻樂沖融

優懷寧常語誠知

一脈通

木蘭攜迴鹿脯分賜王公卿士雖云例事輒復成

章

塞外返秋蒐馱來鹿脯稠盈非大庖計恩欲庶官周熟
薦均榮賜歡言共卜庠車攻緬復古寧為去聲魯公求

詣

暢春園恭請

皇太后安

世德申追慕修烝返紫垣

高年喜遊豫養

志御仙園來往路非遠

起居念永敦蘭階欣氣鬯

萱杞適冬溫樂在承

色笑寧須問寺闍西池風物別愛日駐高奔

御園初冬即景

午暖朝暮涼園林正小陽菊芳猶滿盎冰脆未拖牀幾
暇親書史窓明愛景光遐思三代上返已祇傍徨

題罨畫窓

納景虛窓名卷畫四時無定攬雲煙謾言塞北江南似

避暑山莊及塔灣行宮並有是名神品偏欣近取便

初冬遊香山靜宜園作

御園西望即香山心託高峯數往還遙憶何如近領要
來遊仍是此偷閒稚冬風物入神候閱歲景光轉瞬間
幾幅詩篇欲補足片時得句我猶閑

松塢雲莊

石磴步千級巖齋得幾楹膝容聊憩止目騁足逢迎晴

晦峯姿幻青蒼林態爭山泉猶未凍階下一泓清

棲雲樓

鼎煙楹霧渺難分便是霑衣意亦欣今日棲雲盛名副
漫從紕繆擬云云

來青軒戲題

千林突兀換濃青藉有來分去可停來去熾然青不改
隔鄰大士示心經

歡喜園

靜室琳宮側石橋有路通峯蓮層映紫盆菊簇含紅谷
復形容別心澄機境融一窓留暖日歡喜與人同

雨香館

千山葉落見山姿高館分明契靜思飄綠霏紅都過了
是真天女散花時

山陽一曲精廬

山陽築小墅近隰得池便階下臨漪影廊迴抱溜涓印
心含蘊藉觸目喜澄鮮設以武夷喻方開一曲船

懷風樓

層樓幽谷中樹杪望猶通澹蕩八窓納于喁萬竅同每
思君子德敢詡大王雄十日休稱瑞滿懷真趣融

得一書屋

書屋背山臨水成芸編插架足陶情因之絜矩清寧撰
擬議非關浪與名

對瀑

山中非無泉醜流率入地因卑導以渠垂崖數丈計其

下搆書舍恍似香鑪對叶緇心去歲初斷手今年旣振
鷺落簷間欲灑磈冷沁曰色萬象涵曰聲五音備初念
因之欣繼念因之愧何如付蒼巖無營以為貴

夕

冬山易為夕晝短夜亦長秉燭未可遊圍鑪足相羊戶
外風聲謾綰彼衛士涼彊恕近求仁好樂應無荒誰云
豫卷阿惕息惟徬徨

香岩室

淨室精嚴梵宇旁
四時花雨落繩牀
不須薰著芬陀利
世界三千意蕊香

戲題鶴

鶴固青田姿聲清志亦遠
誰教入網羅蓋緣小不忍
崇山大澤中昂藏思返本
防逸翦羽翼仰給資口吻
長鳴古松間有似彼充隱

朝陽洞

肩輿陟層椒磴道幾千轉
衆樹芳盡歇萬松顏不變
山

凹時駐步向暖息人倦數息亦造極石洞冠古殿殿中
坐大士洞裏天龍宴周旋向下視滿谷曦迎面冬日乃
如春廣廈吾心繼浙中初陽臺勝蹟寧獨擅

靜室

撲屋棲巖凡數層為高因迴語堪憑一年一到曾何謂
冬節冬遊亦絕勝泉帶冰流出清響峰無葉護露真校
鏡中面目依然在審視星星幾點增

竹鑪精舍烹茶作

到處竹鑪傲惠山武文火候酌斟間九龍驀遇應予笑
不是閒人強學閒

即事

陟似登天降似馳冬偏速景夏偏遲眼前粗事含精理
祇有蒼山付不知

玉華岫

玉華中嶺中來往必經此因之憩羣僕精舍况清美

鼻塗

精舍玉華岫別室也我逸忘人勞想殆無其理得句亦前行遊興

殊未已

碧雲寺

兩牆詎云隔一嶺實相連
遂賞造淨域梵唱霏青蓮
池水澄八解天雲靄四禪
鶴聲出鹿苑玉芝育金田
顧步撫長松小別忽經年

洗心亭口號

碧雲寺左有佳處亭子洗心
兩字題水鏡澄含霜籜影
一時數典到雲棲

青春兩度尋山徑

今春凡兩度至雲棲

瞥眼冬初坐水亭試問蓮

池七筆裏可能勾得此無停

試泉悅性山房

真水冬弗凍名山寒亦溫
情知有茗椀遂與過松門
竹綠無改色藻青託本源
何須觀玩象成性體存存

新月

千山入夕時斜漢一彎垂
似惜春秋過依然淺淡披
光雖未盈手濶已勝於眉
宇宙以來有偶逢意為怡

冰瀑

冰與瀑相兼寒光朗映檐半流還半結如現又如潛簇
簇垂鐘乳明明拂鏡奩玉壺天近冷掛著水晶簾

學古堂晚坐

竟時攬名山夕景已莽蒼言歸學古堂書史娛靜賞戶
外松風寒座間蘭燭朗豈必憶遊歷澄懷到無象古人
貽名言瞬存息有養

曉

鱗次嬪四運曾無片刻停一消一息間昕夕於中行天
雞唱遠村曙色輝南榮起早問奏章詎為騁遊情卷阿
境固佳勤政題分明

香山正殿
名曰勤政

再題山陽一曲精廬

精廬今歲得山陽別一區下臨清淺鏡四圍倪范圖方
塘雖不寬意可寄江湖遊山期兩日再至恣清娛喜新
吾猶然奚怪他人乎

淨涼亭

瀦波半畝得方塘亭子中間號淨涼
九夏何當無箇事於斯般礴眄瀟湘

題琢情閣

山複水之涯層樓攬衆竒高低皴峭
濇枯苑遞歲蕤混沌休嗤鑿星辰近
可闕七情淘洗盡玉斧倩誰施

得一書屋

青縈紫邏蔚孱顏一致宜人靜以閒
兩日遊山詩卅首崇情已暢可云還

麥色

香山命輕輿平明歸御園秋麥色甚佳近隴復遐阡一
慶繼一懼其故可得言今春麥亦佳滿期餅登盤仲夏
乃行潦將得盡失旃不惟麥失旃侵淫灾大田豈予志
或盈嗟哉民禍延以此弗敢康夙夜惟惕乾

含峭居

小憩玉泉山山居號含峭餘興試迴望萬峰都在照東
陽昇溫暾西嶺輝窻窳昨近所遊歷一一觀其竅向題

亦偶然今朝識真妙

清眺亭

欲命歸輿尚有閒重教如睡攬冬山今朝清眺真佳處
不在蒸紅縛綠間

內朗室

南華喻虛室生白實於內東坡譬鬬隙率欲遊物外二
義似逕庭達觀審無害竹筵即竹筵有喚斯觸背尺宅
發清機朗然常自在

叶

登玉峯塔頂

昨日縱眸明在下今朝舉步歷登高陽山不及穹窿半

吳語陽山千丈高不及穹窿半截腰

得概何妨各自豪

題妙香室

上山至竟由山下一切有為為了無靜室居然成小憩
妙香領處忘同殊

清音齋

靜明絕勝處山秀水偏清不凍波常漱如雲松鎮撐節

臨小春別景與淨機迎天籟悠然發聞疑韶韻聲

恭祝

溫惠皇貴太妃八旬千秋

椒塗連歲慶筵頻五世孫曾共燕申

八秩鴻禧初啟節

三宮眉壽最高人芳稱早見盈彤史淑氣時方麗小春
每憶

堯年承眷日推

恩推教出情真

馬遠歲寒三友圖

纈朶鋪枝雪未消一般寒意各飄蕭
竹梅解道同為友可任孤松獨後凋

雪

十一月
初五日

夜問高空起凍雲侵晨瑞葉佈縈紛
本非渴望逢尤幸即得優霑僉共欣
滂配早占隴麥護攢團似助盜梅芬
寒增遑避徒扛誚賑粥施衣且盡勤

京師冬月例賑廠
座增十之五米皆

倍給昨並命支帑製
絮衣萬五千丐貧民

冬至

南郊禮成述事

大裘將事曙光凝
嶽嶽

三垓跼步登金度
綆筒惟應候玉璫
牲特以差升陽闔
長至欽


天對歲歉今秋為
雨恒祇有虔懷籲
時若慙無嘉德致
休徵

癸未春帖子

晷德歲臨癸更春日在庚金穰占吉兆揆序達勾萌
璿杓艮維轉鳳籥未支新喜動青旂色今年兩遇春
菁菁盤菜行春餅馥馥宮花綻早梅干呂青雲雖未見
遵王西旅却頻來

除夕

霞光擘綵箋成什殿全編鼎篆香凝栢鐙花瑞結蓮今
宵餞今歲明日迓明年不息四時嬪貞恒一氣連



御製詩三集卷二十六

欽定四庫全書

集部

御製詩三集卷二十七

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣蔣寬

謄錄監生

臣劉天綸

欽定四庫全書

御製詩三集卷二十七

古今體七十四首

癸未一

癸未元旦

萬戶霏微颺慶煙
瞳朧初旭啓韶年
共欣月屆三陽泰
早見春歸十日前
北戒壑耕籌樂利
西瀛職貢正聯駢
丙安外順誠佳會
懼盛持盈益凜然

元旦試筆

粵宛迴春肇歲初春臺物象總閭如

帝車運轡臨陳揆天馬頻繁來執徐皇極會歸遵道路
太和誅蕩集簪裾親賢勤政斯今始敢曰休寧或怠予
鞠陵義御煥重光鳳紀干支均叶祥願共民情同協洽
更逢歲德合昭陽幕調雨十蓂風五牒驗蠶登與稻昌

出淮南子曉闢永康趨進賀

思齊福壽祝無疆

詠爆竹

一線走金蛇隨風舞勢斜騰空為瑞氣落地是祥花元
旦延千喜春雷響萬家聲中四十字手速八迴又

新正養心殿

竹苞松茂廣深沈宵旰恒茲惕照臨中正仁和銘在目

四字

乃
皇考御
書常懸殿中

士農工賈廛於心鈞陶恰喜三陽泰職殖

還希六宇愔安逸不圖所為養書屏日日當

去聲師箴

題歲朝圖

乾清宮西暖閣几上周虎鐔一具供木根如意及

吉祥草

皇祖手植也逮今歷數十年弗敢移置適回部貢果至
槃貯其側天然歲朝吉語因為之圖並成是什

草穗吉祥號木根如意呈錚于歷周代溫室貯乾清
手澤欽淳樸心傳符一精西瀛珍果至北闕歲朝迎吉
語天然叶新圖率爾成休徵緬

昔省藻思引今賡

歲朝圖聯句

有序

粵若癸符揆叙紫濛疏屬咸賓未協味滋青陸康
功肇稔半子乍當陽復三宵瑞蕊連騰先庾旋迨
春頒十日條風入座爰臨溫室載紀芳朝旁徵姬
代之範銅早列

堯年之雕几傳均皃氏腹皤而和鼓能調鑒擬斛斯項
直則芒莆可持貯以靈根擢秀佐指揮者樂意相
關參之異卉鋪葦承披拂焉祥飈自集矧法物已
常供

莫砌寧嘉生猶待補

蘿圖迺有實落湟中安若蒲梢競爽珍輪輦下黃甘粉
荔標奇馱應蹠躩名駒西來及熟結豈翮髻獨樹
東面知榮盛時憶銘在雙盤撫新苞乎倍郁貢處
峴表隨特磬求舊器矣彌諧緊餞臘方擅餘妍暨
迎韶更欣得氣一幘既皺成吉語八义因趣召文
筵吟賡百句而羸簡授五巡以匝然而厥包厥篚
對時每懷綏遠之仁維梓維桑道古遑釋崇

先之敬亦庶幾長言臚實不矜艷吐椒花抑惟是首祚
導和毋負暉增蕢燭也哉

御製

歲朝佳語詠乾清前席珍臣引共賡如意吉祥綿

祖慶

載歌喜起愜

皇情

堯階翠英條初茁康國金桃實早呈屏綴馨椒凝淑氣

臣傳恒

戶轟爆竹驗春聲鴈農占稔金穰叶象魏宣

仁木德行揆正三元舒出輿

臣來保

味滋萬彙達勾

萌暖催花信梅翻雪脆試蔬香菜和餚綵勝為人

宜令甲

臣劉統勲

繡楣帖子進先庚

亮工座是中垣拱

乾清宮為禁垣中殿

錫福班纔右个擎

鴻寶排籤環乙乙

臣梁詩正

御製蓮壺依案聽丁丁靈根嘉兆同民豫瑞草貞符叶物

成三品錯陳回部果

雙枝駢護佛臺嬰植時憶展

兜羅毼紅處傳馳沫赭驛治貴霽瓷堆火齊

臣陳惠華

懸噉

節鼓注芒莖鈞涵妙有和而盎瑞紀蕃昌碩且盈

宛爾指揮文竹幻

臣劉綸

天然菌蠢秀芝榮

如揣稱意

利夜

佛以吉祥為利夜

猶華土辨種菰沙本闔城

吉祥草梵稱菰

沙與內地同名異種

房擘扶南芭礪礪

臣董邦達

根移博望顯晶

瑩

石榴宣州產湯矜粘紙齊俗投寧論報瓊

木瓜萍實

底庸如斗剖

臣彭啓豐

御製

來禽差擬用囊盛

果

春盤塞幹

回語

也

鮮

惟珍飮周器

罇于以虎名古澤色含芳潤味

遠芬清挹配藜英鏡中適兆千禧集席上真逢五

美并

帝貺韶華華始協

臣觀保

聖貽嘉履履端迎

九霄節物多膺景一愜年光

特寫生

識

御筆

即景繪圖並

題排律幀端以天庥同符慶節

緼瑟風旋諧鳳琯

臣于敏中

宣毫輝早麗花桁膽瓶最勝礬茶豔露甕相於竺柏貞

肇泰從心剪卉木

臣錢汝誠

綏豐有象遍垓紘奎熙未

許形摹肖嵇陸應輸疏譜精况是幅員恢蕩蕩

臣張

泰開

御製祇惟

謨烈仰明明

三朝禁秘勅幾伴萬里遐方獻賁誠條鬯青陽宣太族

丰茸朱草啓華平

儀鎧晨賀鵷班旅旣旒春朝鴈塞仵哈薩之西連鯨鰓

臣王際華筠沖以外接鳧旌新歸冠帶文閭屬舊輯共

球大府羸職貢編函殊紉辯臣竇光肅同文喻志譯僉

儻舍婆鉢迹波旬域噉嚙窮郵疏勒程玉並琢枰

孚黥碧臣金姓銅還似豆鏤迴衡崑源使不煩青鳥

火站胥頻載赤麋遂漬榘膏飴石蜜臣王會汾

御製詎操蒟醬淪葵羹蒲萄別苑今恒熟苜蓿離宮昔已

輕圖擬董祥徵第祿

石渠寶笈中有董祥歲朝圖軸

鼎聯侯喜拜彭亨

大絃鏗麗咸韻翕凡籟喁于瓦缶鳴八伯際方同復旦

臣倪永寬

廿臣數更邁登瀛瞻從

琅笈仙雲捧

賜出瑤筐異核傾

回部貢果至臣等並蒙分賜

奚羨薰來吟殿閣

臣蔣櫟

可知革食燕簞筵綺錢采絢琉璃樹葩瑤瓔

垂韎鞞授簡堂廉增抃躍

臣盧文弨

拈題倪莞罕量評標池常展熙春繪鞠脰齊斟介
壽觥皇矣繩繩欽我

后

臣邊
繼祖

御製襄哉贊贊曷諸卿敢誇薄海均和樂所願

寰區時雨晴肯構億年延

福履承

天萬國奉元正

仇英水仙蠟梅

冰鏤芳葩蠟纈枝託殊水陸契風姿月明相對如相語
只恐人間金玉之

新正重華宮

元陽迓新祉端月勤庶績所希政咸熙益勵強不息來
賓瀛極西以德星拱北惟是蒙

天庥詎云由己力延洪在知足敬勝斯念克休養戒更
張寰海願職殖

題鏤玉百子屏

玉鏤孩古有祥徵宜子孫吉光聯片羽詩傳叶前言略
綴亭臺景宛看笑語溫筍登李氏牘樹近謝家軒昔事
曾傳治漢有百子池今時亦命門重華宮前即百子門蓋國初所命名斯男詠
則百雅化箇中存

元人雪江漁艇

天寒魚不餌雪江集網師別有垂竿者或謂是翁癡翁
云取適耳寧為釜鬻資

博洛爾部沙瑚沙默特伯克所進武器製匣藏之

並紀是什

文列星行光溢濤切崑瑯似斷秋毫于聞西去千餘里

博洛爾在和闐西幾二千里和闐即古于闐也那數尋常玉櫛刀宋開寶二年于闐貢玉櫛刀

右回劍

齊斧言旋早洗兵更無拓遠祇持盈集鱗流仰寧當拒厚往惟嘉底貢誠

右回斧

降旨加賑直隸山東去歲被水州縣詩以誌事

聞人有恒談新年宜言吉降旨加賑飢救民他遑恤念
茲燕趙區連歲靈霖溢嗟哉艱食艱閭閻生計失調幕
慙無能空言不如實例卹雖百方增賑與再一齊右乃
接界顧此彼可弗亦命展月限毋俾向隅屈粵澤體

天心

天心本陰陽顯祈錫康年勝予小補益是謂大吉祥言

情聊點筆

竹根如意

錢陳羣所進既成是什復郵致令其和之

首曲非由燥火成天然寧是裁

去聲

金營匠人雕飾嫌工

巧高士指揮愛格清有節更看文以貴從心不踰矩斯
貞本宜賜與齊賢器摘藻翻因獻憲卿

題和闐玉採藥仙

龍變熊經解納新筐鋤採尚步嶙峋寄言百藥須精檢
多有蹲鴟溷茯苓

題宮中行樂圖一韻四首

喬樹重巖石逕紆前行迴顧後行呼松年粉本東山趣
石渠寶笈藏劉松年此幅喜其結構摹作宮中行樂圖
古雅因命金廷標摹為宮中行樂圖
小坐溪亭清且紆侍臣莫謾襍傳呼關氏來備九嬪列
較勝明妃出塞圖

幾閒壺裏小遊紆憑檻何須清蹕呼詎是衣冠希漢代
丹青寓意寫為圖
圖中衫履即依松年式此不過丹青遊戲非摹漢人衣冠向為禮器圖序

已明示
此意

瀑水當軒落澗紆巖邊馴鹿可招呼林泉寄傲非吾事

保泰思艱懷永圖

王冕畫梅即用其韻

浙東新品誇香片

香片梅近始出會稽

冰萼瓊枝纈翠苔誰識無

端風月下前身曾向箇中來

新月

碧漢拂鈎纖今年新玉蟾
韜輪原不缺具體且生尖
柏酒方虛爵華鐙已綴檐
行將上元至盼惜一心兼

題黃公望江山勝覽疊舊作題張宗蒼倣畫卷韻

昔命宗蒼倣公望固知得髓非得皮如何畫就率成什
竟致數典翻斯遺笑予忘本尋其枝閱十載乃重題茲
徒觀一氣滔滔者想見經營般礴寫聚精毫芒以內乎
放意楮墨之外也耳疑三峽砮雷音目延兩岸森雲林
宇宙以來便有此安容塵世論昔今此老南宗故高手
入室右丞誰曰否吳門契友惟懶瓚撫卷叫絕開吟口
當時卒業十歲餘蓋湊神來非坐須大江我亦浮三度
以畫質之無不如湔氏還源因憶諸造化靈秀潛翊扶

小哉南昌帶五湖

新正重華宮侍

皇太后宴

家宴開初歲稱觴獻

聖慈瑤屏百壽字銀燭九華枝物色行看鬯春聲總是

怡敢云

天瑞鼎恒願祝

鴻釐

山東章邱縣民王欣然壽一百三歲其弟瑞然壽

百歲昆季一堂期頤萃慶詩以賜之用表閭里
涓水由來廖氏泉雞山今有地行仙不希終嘏及純嘏
罕見欣然與瑞然棠棣枝同椿樹茂鵲翎羽共鶴翎
友于篤慶勤耕讀致壽斯宜表厥賢

題錢維城花卉四種

施朱太赤著粉白諷賦形容有獨工杏靨梨腮對虧玉
別開生面笑東風

右梨花杏朶

鄭人擬贈楚人佩香色都稱絕代材
設使花王思籲俊蒲輪空谷自先推

右牡丹幽蘭

羣綃紅映鈿金黃風處如霏雲外香
聞道廣寒宮殿裏桂枝原是四時芳

右桂花月季

五銖一斛真同調設色當於寓意求
二物如誠比戶足

吾將高枕又何憂

右巽粟金錢

新正瀛臺書懷二首

萱祀問安退瀛壺閱歲來日融冰色暗風拂柳稊開淑
景方徐釀漏聲且謾催盈椿馭五出思到石湖梅

宮牆近市鄧爆竹響聲連帝里真稱富荒村豈盡然迴
思遭潦地更切望民天慶賜雖乘令中心祇益煎

寶月樓

液池輾輾氷床過春閣崢嶸翠蹕停栢子祥煙鼎噴馥
椒花吉語勝霏馨行時窓俯九條陌數上聲日階舒五葉
冀歲歲御園上元度高樓寶月付詩屏

同豫軒

碕岸周遭鏡影皚中央金碧煥瀛臺東南綴景茲堪憩

軒在瀛臺東南

西北遵王方逵來

時回部極西愛烏罕部之愛哈莫特沙汗及哈薩克西部

烏爾根齊部之哈雅布汗啓齊玉蘇部之努喇麗汗已圖爾汗以次奉表貢馬窓俯六街驗蕃

庶民猶三代慎栽培曰同固可然艱矣言倡斯非益戒

哉

題涵春室

聞之昔賢言人心小天地曰元長四德曰春首四氣於
心斯為仁百慮而一致題室匪即景顧名願思義憑軒
韶律昌是為萬物備

題和闐玉烏窠禪師圖

巢居上古亦烏窠莫訝禪師庵是柯八十老人行不
得錢塘太守道如何

二語櫟括白居
易問禪師事

山僧於此忘夷

險玉匠無端費琢磨隨意常言具真諦底須三歲演
波羅

題蘇漢臣嬰戲圖

郁郁復亭亭傳神畢肖形易天數廿五

圖中嬰兒凡廿五

詩王

去聲政盈寧岐嶷露頭角崢嶸蘊性靈少懷夫子志詎止
玩丹青

紫光閣錫宴外藩並各回部即席得句

紫閣高騫黃幕低舊藩新部賀正齊宜頒湛露聯䟽逖

恰看卿雲蔚配藜德愧衆星拱北極疆踰大夏譯東鞬
謾詢計里為多少拔達克山西更西

紫光閣錫宴聯句

有序

園鄰豐澤三巡傳卜晝之觴殿莅武成九譯輯朝
正之瑞愛烏罕纏頭乍遣獨踰拔達層嵐努喇麗
交臂仍徠齊度火敦巨澣典早徵夫勝賞時均被
以榮施乃有技擅飲飛材雄超距五日春生靈沼
鋪匳則冰鏡猶凝半竿暹曜超陂轉旆而礮車遞

發倏訝鮫人梭擲得標直探龍宮旋疑玉女箭投
呼雋平分鶴陣既占翊旦爰集通班礪山帶河長
頌

先世百年之朔左賢右蠡備繪

皇家一統之圖鴻臚序舊隸新蕃粵席敢爭滕薛太史
書東任西休充庭寧數漢唐憶曩者旅振由庚筵
開上已及獻歲賡慶成之什為比年定柔遠之經
從此瑞牒貯雲臺北望丹霄常垂濛汜庸階勒煙

閣西來紫氣鎮繞觚棱詎勞貫月以偕迴期叶占
星而從好茲也句聯七字頌宜人恰當人日之前
少焉名綴重行歌戩穀還佇穀辰之後

御製

紫閣重輝勞凱師自茲春宴率於斯舊藩列坐新倅

接

豹旅分會鷺序隨讌落早賡雲縟詠朝正常譜露

灋詩覲光逮萬有千歲

臣傅恒

拱極合四十九旗况

有名王徠頡利更通荒徼越龜茲行依賓鴈春迴

塞臣來保 贄疊琛鵜曉拜墀

殿壁麟圖功罕匹

苑瀛魚藻地相宜

武成一自翬飛魚臣劉統勲

豐澤無煩鳳帝垂舊時筵宴例於豐澤園張大幄次自紫光閣落成後遂移宴於閣下

峯歧崑崙循嶠道海尋蒲類驗潮期東風先報霄

干呂臣梁詩正

御製北斗剛逢月指寅哈薩克三汗內附西哈薩克啓齊玉蘇部之努喇

麗汗巴圖爾汗烏爾根齊部之
哈雅布汗同時奉表遣使入貢
愛烏罕一使初馳金花

箋
魯克噶表

帕爾西語
謂表箋也

赭汗駝額色披

謂馬也亦駢拔達山仍輸韎鞞霍

韓部亦效權奇爰問四比傳趨蟻

臣陳惠華

散秩同途

代展葵

額爾格納阿濟比齊里克沙歲比招馬拉
持比巴斯奇斯穆拉特比四部並遣陪臣

入賀元正希布查克之散秩大臣
阿奇木亦令其弟賚表代伸忱悃

閭闔晨開天詠蕩

儀鎧晴耀日禁麗鴻臚九擗班隨虎

臣劉綸

象譯千重陛

夾螭職貢繪嗤摹立本早朝句陋和王維階前干

羽瞻還靨

臣董邦達

堂上笙鏞聽共怡

宣對不違

顏咫尺歸誠何敢味差池

慰詢通俗聯䟽逖

臣彭啓豐

御製和樂同人示惠慈午夜且遲陳火戲液池猶可試冰

嬉旭光漸入舒長候

韶景初臨鬱藹時焚燎錢銜垂棘壁搏桑木燭鞠

陵曦三番花數

花信五日一候自立春至此適當旬有五日

經旬遞

臣觀

保七種蔬看詰旦治圖啓元辰

庸作載

諸臣皆蒙與歲朝圖聯句

名

書占甲子屢豐綏

是日甲子占書以正

月上旬逢之為豐年之兆

彤闈左个青陽轉

臣于敏中

紫闥西華翠罕移鐃吹導

興碑岌岌鈎陳環葆頰歲蕤徑分瓊島雲方變

臣錢汝誠

橋

對金鼇凍迨澌蘭泛光縈鑪馥桂柳稊煙亞盖凝

芝輕貂候

仗排連襪

臣張泰開

御製回鶻迎塵伏冒矜帕爾西文言呐呐得斯捷

回人纏頭帽也

帽首嶷嶷仰流自集非招致

食野相將豈繫縻延蔓三階交綺屬璘璫四座接

茵比炙行臍臠兼膳膾

臣王際華

飢薦餼餽與餽餐

乳膩浮青玉盃膠餠醲漬爛銀匙陪臣懷核昭恭

悃

臣竇光鼐

衛士傳餐洽

寵私綽爾多歌將進酒阿思滿

回語謂天為阿思滿祝

大來釐鏗訇鈞樂招音繹

臣金姓

綵繚銖衣舞隊襪漢伎

魚龍跳八大唐花跼鄂匝千枝聲翻傑侏緣幢幻

臣王會汾

御製種別蒲萄饌肉遺笑臉于思共覓藻虔心鞠脰式鴻

儀調停底藉東西幕

唐史突厥突騎二國使爭座中書百僚議於東西幕坐兩處今各國

使惟聽指使列坐無敢爭者

燕衍均

頌伯仲卮囊挈鐐鏐爰賁以幄羅筐篚俾承之屬裳飫

澤榮逾袞

臣倪承寬

髻貌銘懽感浹肌衆庶惟祺生嘒嘒太

牢既饗樂熙熙蘭臺史昔慙留志

臣蔣棫

子墨卿今

恧騁詞鑿空使騫行未到滑稽臣朔語難支一家

中外涵園煦

臣廬文弨

泰始訢閭普阜滋受輯共球來

莫不報言瑤玖尚乎而

德咸若是其敷福

臣邊繼祖

御頌庶幾哉勿忘規棧谷梯山憐慕化薄來厚往沛恩

施八埏萃慶承

天佑一意持盈慎已思

重華宮茶宴內廷翰林等即事書懷並令賡韻

例事文臣禮每加新韶曲宴賜重華杯休醺醪勞行酒
盤飮餽餽可侑茶七日為人明便至八甌數上聲影未云
斜聊酬節令非鳴豫饒有憂心盼麥芽

人日

七日為人日人為萬物靈天心見乎復春意釀於青古

語騰仙木祥葩映綵屏情田欣茂對善長驗義經

新正恭奉

皇太后幸圓明園即事一律

人日初過日卜祥俶韶行慶發儀鎧遠來近悅蒙

熙洽萬歲千秋奉

壽康曲折園林餘雪色高低炬樹艷年光穀辰喜值晴
和候敢曰占豐實籲穰

大西門賜宴諸外藩回部並閱軍容因成長句

幕張廣甸大西門惠遠筵加三接恩惠澤早知消伏莽
詰戎亦示重苞根礮聲疑啓春雷蟄士氣真教寰海吞
仁祖德威懸聖日於

皇赫濯至今存

祈穀齋居即事

元旦賀

慈寧正朝拜夷使有事弗得齋次辛依往例然予益憫
衷端居滋惕惴樂固虞徹懸炬乃簷猶綴春朝恒卜昌

亦曰祈農瑞雨詎非為澤昨年殊亟備顓調八有休肅
凜三無義

和聞漢玉歌

今之古玉率稱

平聲

漢和聞玉古稱

去聲

漢名爾時博望初

鑿空月氏要領得無能去百餘人二人返傳聞纔識于

寘城崑崙泐澤多玉石即今包貢猶堪徵繩窮匣開燭

然現雞冠為色斧為形瓊璫自稟天地秀汗濺血浸皆

虛評入土出土即信有猶當勝彼埋幽垌相如詭奪和

壁返荀息假道垂棘呈抑為得也抑為失於玉何有紛
人情不藏不逾吾嫌若用誌萬里來賓誠

題沈周畫菜即用其韻

老圃家風真盡占蒼生此色那全無
題詞重舉東坡語
看作監門鄭俠圖

祈穀禮成述事

玉輦從從度炬田

祈年寶殿敬祈年
樵蒸焜引非煙起
鐘磬和依太簇宣

思昨潦行惟惕惡撫今春始益寅虔

祭朝元旦歲均耒滋味穰金冀

賚全

御園新正書懷

郊壇歲祀祀林苑荅韶春

慈慶千秋奉朝儀萬國遵放燈今夕始錫爵遠方均豐
歉評量處匪欣慊以頻

挹春室

萬物既形既色四序曰嬪曰乘總是乾元一氣不息化
工獨能詎止花花草草弗遺蛺蝶蕭蕭我意寧惟斯室
春臺普願同登

迎步廊

曲廊堪屨步佳景每迎人行飯真強體尋詩恰得神曼
迴臨露蕙斜轉護風筠取適非蕭范誰論故與新

綏德齋八韻

樸斲據佳勝選題率與名斯齋號綏德切已益屏營又

用諧三事勤思惠萬氓風惟君子慎草亦庶人情緬禹
曰予懋欽堯在克明乾元恒不息謙吉凜虧盈斧藻修
常行去聲干文格八瀛澡身擬銘席敬迪奉天行

沈周花下睡鵲即用圖間原韻

石有丰棱花有姿睡鵲宜畫又宜詩南華經倩石田註
才不才間酌取之

曲項偷眠夢草青那期帝女嚙霜翎分明道德經相換

太白詩中誤逕庭

按唐史云黃庭經是六朝人書晉史
載寫道德經事因李白詩世人遂以

黃庭經為換
驚經云云

上元前夕曲宴宗親

十分團魄九分探暢好韶年
恰未酣周雅正宜詠行葦
宋詩那更數傳柑共聽階下
儀鸞翕待看樓西火鳳耗
雖是歡言荅節令大都要義
祝田蠶

集漢玉印復得十六製匣藏之並題以句

古色煥爛斑炎劉俊可攀吉
人看如暈尚友伴幾閒紐
檢符分寸春秋閱往還如因
問名氏應在顧厨間

偶為溪亭煙篠並題

無色色天形匪形遙峯數點送來青平分風月千秋調
朗照乾坤一草亭

碣磳詭石倚蒼簔溪上虛亭眇渺茫欲擬世風還燧古
非關家數較倪黃

上元夕侍

皇太后觀燈火

大德應知百祿臻

康強福履却輿輪

天垂旗翼明徵壽地縮方蓬火迫春朗對蜃膏輝燿燿
歡惟麟趾弄振振宮中嘉節宜行樂此樂還期萬國均
上元燈詞八首

天上蒼龍迴玉斗人間赤鳳集金支敢為豫大豐亨語
幸是

重熙累洽時

碧漢無邊一色朗銀輪初度十分圓燈詞昨歲從頭讀

行慶西樓又隔年

去年趙北稱觴度
今夕上林列炬陳
中外同欽天下養
慈寧福履祝千春

琉璃冰結梵王燈
寶塔崔嵬十一層
便是黎軒人善眩
陸離光怪謝難能

玉樹分明蔚崑嶠
星橋直欲接鹽池
耀光雀躍愛烏罕
聯述鴻賓努喇麗

翡翠火成蒼頡字
琳琅花吐赤城霞
越裳重譯還重譯

葉爾羌回人譯愛烏罕語準噶爾人譯回語然回語
準語皆習而能之若以周時語論之當為四譯矣 笑

語樓前總一家

歲什燈詞八首新寧當不稍弊精神因之絜矩千重燄
長此宜多後議人

鐘鼓誠懸歲未登淮南主術訓垂曾承

慈歡復同民樂欲罷翻因愧不能

題陳汝言山水卷

溪閣低臨碧水寺樓半隱青峯師承本得北苑

謂董源見董其

昌跋語

津逮何妨九龍

謂王紱紱筆法大似之

靄靄瑤林雲起垂垂

鐘乳泉淙大似若冰洞畔惠山雨裏曾逢

上元後一日雪

昨歲霖多地氣滋未經望雪雪尤宜總為春澤寧辭渥
特讓元宵更覺奇火樹銀花增景色扶風馮翊寄懷思
潦行畿輔連遭沴二麥涵培厓此時

王齊翰江山隱居圖

翰林好寫邱壑隱佳麗江山稱考槃粗勾入木三分信

細理得環一氣完
縷地磔裂神自蔚
曇華示現香常漫
摘詞不可為恒語
應作我聞如是觀

上元後一日小宴廷臣

節後欣逢稷雪披
瓊英點綴九華枝
席珍招引猶嘉夜
尊獸分明在論思
居歟享豐惟慙若
聯情示惠偶為之
管絃金石云宣樂
亦曰吁哉未信斯

愛烏罕刀

西蒙奉表馳使倅
獻名駒二杼遠誠
陪臣乘傳達帝京

敬同諸部朝元正豐饗曲宴皆預令承筐幣帛厚賜行

緊密爾漢

密爾漢陪臣名

感悅并貢刀可否諮公卿笑而許之

聯彼情長跪百鍊雙手擎彎如碧水弓在檠雖弗適用

器則精

刀取輕直乃宜刺斫此刀彎如半弓知不適用

上有白氣橫庚庚不資

磨瑩漫理呈匣度武庫誌偃兵玉闕開後通崑瀛既非
招致來亦迎殷殷予意惟持盈

題金廷標醉八仙圖

或有唐臣或漢臣忘年友聚翠嶙峋仙同子美歌七字

名換知章輩，八人世外煙。
花付荏苒壺中懷，抱寄清醇
蓬瀛天地曹。騰閱絕勝沅湘獨醒倫。

燕九日作

歷歷元宵漸度全，西樓惠遠炬重燃。
今朝例舉東山客，大宛誰知北谷仙。
玉樹尚餘延喜玉，錢家那藉買燈錢。
却欣節事酬將罷，明日摘詞有靜緣。

題漢玉半截觚

片羽吉光煥旗孫，與作徒心空禪客。
蘊貌瘠地仙，腴寧

可無當誚端資為錯模夔龍蔚曼衍田海閱湏臾真是

古中古休言觚不觚足知全體秀半截美人圖

亞形父唐

之類世人不能名率云美人觚然博古諸書無以此稱者以其尚相稱故仍之又元人有題半截美人圖詩因

並引喻

戲及之

王蒙林泉清趣

倚巖長松繞屋筠溪邊策杖鶴為賓何須世上留名氏
不是南朝充隱人

御製詩三集卷二十七